

Թեամբ կ'այցելէ Ս. Յակոբի վանքը և յիշատակ կուտայ իր ձեռագիր մագաղաթեայ Աւետարանը որ այժմ կը մնայ Ս. Յակոբի վանքին մատենադարանին մէջ. նոյն ձեռագիրին յիշատակարանէն կը քաղենք հետեւեալը. «... վասն այն յուսոյն ես գրել զսբ. աւետարանս, և զարդարել ես ոսկով և երանգ երանգ ծաղկով յիշատակ իւրն և իր ծնողացն և ամ. արեանառու մերձաւորացն կենդանեաց և հանգուցելոցն, նաև սուրբ հօրն իւրոյ հոգեւորի Կարայես գիսնական րաբունայեսի որ հանգուցեալ է առ Քն., եւ եղեալ կայ յեմ. քաղաքս ի Ս. Փրկչի եկեղեցին: Դարձեալ կրկին աղաչեմ յիշել ի տէր ես Սիմօն վարդապետս Ապարանցի որ ստացայ զսա մեծ կարատիւ, և առեալ զսբ. աւետարանս և եկի ի սբ. քաղաքս յէմ. և եղի յիշատակ ի դուռն Ս. Յակոբայ. ի Թվին հայոց ՌՂԲ (= 1643). ի հայր. սուրբ տեղեացս Եմյ. տեառն տէր Գրիգոր արի և քաջ հայրապետին...» (Մապ. Յուց., և ՄՁ. Թ. 532): Սոյն Սիմէոն վրդ. Ապարանցին եղբորորդին է մեծ Սիմէոն վրդ. Ապարանցիին՝ որ ուսուցիչն էր Կարայես վրդ. Մոխացիին: Վախճանած է Վանի մէջ: Հաւանաբար իր յիշատակն է նաև Աստուածաշունչ մը որուն յիշատակարանին մէջ կոչուած է Սիմեոն վրդ. Մոխացի (Մապ. Յուց. տետր. ԺԳ. էջ 1010): Սիմէոն վրդ. Ապարանցին Շարակնոց մըն ալ նուիրած է Ս. Յակոբի վանքին. «... որ (Սիմէոն վրդ.) առաքեաց զարակնոցս ի սուրբ Երուսաղէմ ընդ Մոկացի տէր Դաւթին յիշատակն ի դուռն Ս. Յակոբայ չոր վերողրեալ քչն. անյապաղ բերեալ հասոյց ի Թվին ՌՃԼԷ (= 1688) յեմ. և եղ յիշատակ յաւիտենական»:

ՍԻՄԷՈՆ ՎՐԴ. ԹԵԼԵԱՆ, ՊՈԼՍԵՑԻ. — Մբ. Ծ. 1870ին. Ձռ. 1898ին. ՏՅ. (1901—1904). ՏՅՊ. 1905ին. քարգնան 1907ին. ՏՀ. 1908ին. բ. անգամ ՏՅՊ. (1910—1915). տեսուչ կալուածոց (1920—1928), անգամ Տն. Ժողովի (1921—1928). վախճանած է 7 Յուլիս 1928 և Թաղուած Սիոնի գերեզմանատունը:

ՍԻՄԷՈՆ ՎՐԴ. ԹՕԳԱՏՅԻ. — Մբ. 1771ին:

ՍԻՄԷՈՆ ՎՐԴ. ՆԻԶՍՄԵԱՆ, ՊՈԼՍԵՑԻ. — Մբ. 1847ին:

ՍԻՄԷՈՆ ՎՐԴ. — Մբ. Նւ. Սեբաստիոյ 1793ին:

ՍԻՄԷՈՆ ՎՐԴ. ՍԱՍՈՒՆՅԻ. — Մբ. Մշոյ (Շուշտակ), Ագրիանուպոլսեցի Պօղոս պարքի օրով ուխտաւորութեամբ կ'այ-